

آبونه شرائطی

ممالک عثمانیہ دہ سنہ لکی (۶۵)، الق
آیاتی (۳۵) غروشدہ .

ممالک اجنبیہ دہ سنہ لکی (۱۷)، الق
آیاتی (۹) فرانقدر .

ادارہ خانہ

ناب عالی جادہ سندہ دائرہ مخصوصہ

اضطارات

آبونه بدلی پشندر .

§

مساکہ موافق آثار مع الممنونہ قبول
اولنور . درج ایدلہ بن یازیلر اعاءہ
اولونماز .

کتابخانه

۱۳۳۰

دینی ، فلسفی ، علمی ، ادبی ، سیاسی ہنر لک مجموعہ اسلامیہ در .

واللہ یرہدی من یشاء الی صراط مستقیم

صاحب و مدیر مسئول : مع . اشرف ادیب

اتبعون اہدکم سبیل الرشاد

عدد ۶۶۶

۱۶ شوال ۱۳۳۱

پنجشنبہ

۵ ایلول ۱۳۲۹

جلد ۱۱

اضطارات

رسالہ ضرورتی کو - ترمک شرطیلہ
بتون یازیلر ہر ہانکی رفرتہ طرفندن
انتباس اولونہ بیلیر .

§

مکتوبلرک ، امضالرک وضع و اوقوناقلی
اولمسی و آبونہ صرہ نومروسی محتوی
بولونمسی لازندر .

§

ممالک اجنبیہ ایچون آبونہ اولالمرک
آدرسلرینک فرانسرچہ دہ یارلمسی رجا
اولنور .

§

پارہ کوئدرادیکی زمانہ یہ دائر اولدیغیک
واضحاً بیلدیلمسی رجا اولنور .

کچن حادثات مؤسسه انکلیز اداره سنه قارشو هندلیلرک قلمبده اونوتولیه حق درین ومتراکم تأثیرات بر اقدی ، هند مسلمانلرینک حسیات معنویه لرینه تأثیر ایدن باشلوجه شیلر :

قاپینه نك بالقان مسائله ده بی طرفلغی اعلان ایتمسك حقیقی وصمیمی اولما بوب مسلملری اغفال و ترکیانك معارضلرینه معاونت مقصدیله اولسی — ایثالیانك انکلتزه دن تأمیناتسز طرابلسه تجاوز ایتمه سی ممکن اولما بوب ترکیانك ایسه مصر واسطه سیله طرابلسه اولان معاونتک منع ایدله سی — طرابلسده ، بالقانده ، ایرانده کی وقائع وحادثاتک آوروپانك رأییله اولسی وبوکا انکلتزه نکه اشتراک ایتمه سی — انکلتزه نك بالقانده کی مسلمانلرک احساسنه مساعد بولونماسی .

حکومت طرفندن هندستان داخلنده موجود اولان بواضطرابات تدقیق وتحقیق ایدله یور . یازقدرکه بو حقیقت عوام نظرندن صافلانیور . ایشته باش وکیلاک ترکیا حقیقده کی بیاناتی بواضطرابی ده حدید برحاله ایصال ایتدی . قاپینه طرفندن آتیله حق خطوملر بواضطرابی آز چوق ازاله ایده جکدر . امید ایدله که بو حسیات نظردقه آلتور وقاپینه طرفندن ترکیا حقیقده کی حقسز بیانات واجراآت تعدیل وتبدیل اولنه رق هند مسلم تبعه نك اضطراریده تخفیف ایداش اولور .

تشیاتسی

اجمال سیاسی

عثمانلو — بلغار مذاکراتی بالطبع دقت عمومیه بی جاب ایتمکه بردوامدر . کچن « اجمالز » دن شیمدی به قدر وقوع بولان خصوصی و رسمی اجتماعلر ده معین ومثبت بر نتیجه به واصل اولامدی . آرالقه ده وقوع بولان تأخیر ایسه عثمانلو افکار عمومیه سنی بحق دلکیر ایتمکدن خالی قلمادی . شو تأخیر رسمی اولارق کوستریلن سبب کویا بلغار مرخصلرینک بلغارستان حکومتدن لازم اولان تبلیغاتی آلامش اولد یقاری ایمش ! بوسبک درجه صحتی عدم وقوف طولایسی ایله تعیین ایدیله منر ایسه ده ، وضعیتده کی وضوح وقطعیت بوکی تأخیراته اصلا مساعد اولمادیغندن ، عثمانی افکار عمومیه سنده حصوله ککش اولان تردد پک طبیعی ایدی . حقیقت حالده عثمانی ملت ودولتی نه ایسته یور ؟ صدراعظم پاشا حضرتلرینک ۱۹ تموزده دول معظمیه تبلیغ ایتمش اولد یقاری نوطه ده عثمانلومدعیاتی قطعی وغیر قابل تغیر بر صورتده ایضاح ایدلمشدی . ادرنه وقرق کلساده داخل بولندیغی حالده تراکیانک شرق جهتی عثمانی یدنده قالمالیدر . بو ، عثمانی مدعیاتنک حد اصغریسدر . بو اعلانک بر ذره سندن بیله عدول ایدیله منر . زیرا استانبول وبوغازلرک سلامتی هر درلو تجاوزاته قارشو صیاتی یالکز بوحدود دائره سنده تأمین ایدیله بیلیر . عثمانلیرک بونقطه نظری بتون دول معظمه ، لوندره قونفرانسنک قرارلرینه رغماً ، بالاخره قبول ایتدیلر وبلغارلرک کندیلری ایچون یکانه چاره استخلاصک عثمانی دولتی ایله دوغرودن دوغرویه کوروشهرک آکلاشمه لری اولدیغی تبلیغ ایتدیلر . شو حالده بلغارستان حکومتی ده کندیلی ایچون اک صاغلام طریقک حقیقه شو خیر خواه

دارالطوفانده سبیل الرشاد جریده اسلامیه سنه

محترم افندم حضرتلری

اسلامیک رویومدیرندن آلدیغ بر مکتوبده رویو داخلنده بولنان بو مقاله نك ترجمه ومطبوعات عثمانیه دن بریسنه کونده ریلمه سنی بیان ایدیوردی . اسلامیک رویو — که باشلوجه هند مسلمان قارداشلر مرکز همتلریله نشر ایدیلور ونشرنده بیوک برسی کوستریلیور — کتدکجه کسب اهمیت ایتمکده در .

مقاله نك انکلیزجه سنده شدید بر لسان استعمال ایدلمشدر . طبیعیدرکه ترجمه سنده خفیف بر لسان اختیار ایدیلدی . مقاله اساس اعتباریله آز چوق دینی بر اساس اوزرینه موضوع اولدیغندن محترم غزته لرینه ارسال ایدلم .

طلبة عثمانیه دن

لوندره :

محمد رشید

• هندستان تهلكه سی •

اسلامیک رویودن مترجمدر :

« هندستان داخلنده انکلتزه اداره معنده سنه قارشو غایان توسع ایدیور . ۱۰ بوغلیان انکلیز اداره وبقای حیاتی تهلكه یه القا ایده جک ، اوزمان انکلتزه وانکلیزلرک وضعیتی حال حاضرده کی قاپینه وپولیتیه سنه لازمه شکرانی ایضا ایتمکدن عبارت قالا جکدر .

قاپینه نك کچلرده بالقان اورینه وبخصوص ترکیایه تعلق ایدن بیاناتی اساساً بولانیق اولان صوبی تکرار بولاندیردی ووضعیته مشکله برحاله ایصال ایتدی . بویالکز عدم ممنونیتی تشدید ایتمکله قالمایوب اهل اسلامک اتحاد واشتراک کنده باعث اولدی .

بوکون هندستان اسلام محافظنده حرکت ملیه قطعاً سریع خطوه لرله نشوونما بولیور ؛ مملکتک هر گوشه سنده حرارتی متینلر عقد ایدیور ؛ بوخطوه لرله ؛ مؤثر ، فعال ، قوی خطوه لرله بتون ملنک عدم ممنونیتی اظهار ایدیور . هندولر حسیاتمزله مشترکاً ایلری آتیلیورلر . مسلمانلرک بوتظاهرات غضوبانه لرینه طرفکیر اولیورلر . بواپسه اساساً دلکیر اولد یقاری انکلیز اداره معنده سنه قارشو طغیان دیمکدر . انکلیزلر هندستانده بولنان تبعه لرینک قلبی قیرمقده دقیقه فوت ایتمدیلر . کندیلری ایچون اک مطیع تبعه اولان مسلمانلرک قلبی چاک ایدلدی .

طرابلسده ، بالقانده ، ایرانده اسلاملره قارشو بیوک بر قیدسزاق وانسا نیتسز لکه ارتکاب ایدیلن غدارلقلر آوروپاده اوافق بواضطرابی موجب اولمادی . وبوغدارلقلرک ، بو مظالمک اجرا ایدلدیکی هنکامده آوروپادن ، باخصوص سکسان ملیون اسلام تبعه یه مالک اولان انکلتزه دن حق ایچون تک برصدا بوکسلمه دی .

زوالی عالم اسلامیان ایسه آوروپانک الدن کندیلری ایچون ظهور ایده جک فلاکتلرک تحت تأثیرنده بیوک بر خوف ایچنده ایدی . فقط ! اونلر بوکون جانلانیورلر . حیاتلرینی ، ناموسلرینی ، ملکلرینی تهدید ایدن تهلكه یه قارشو یکوچود براتحاد وجوده کتیرمه نك لزومی شدیداً حس ایدیورلر .

احوال کوستریریورکه انکلیز هندستان اداره سنک الیری ضعیفلاور . مستقبل ایسه دیکنلرله مملودر . هروجدان حس ایدیورکه انکلیز عدالتی ، عفتی ، صدق کلامی محو اولمشدر . هندلیلرک تخمیناته کوره سیاستلری خیانتله موازی کیدیور .